



COMUNU DE CABUDERRA

Tzitadi Metropolitana de Casteddu

DELIBERATZIONI DE SA GIUNTA COMUNALI N. 12 DE SU 01/02/2023

OGETU: *APROVATZIONI SCHEMA DE CUNVENTZIONI DE TIROCÌNIU PRÀTICU (TPV) PO S'ABILITAZIONI A SA PROFESSIONI DE PSICÒLOGU INTRA DE S' UNIVERSIDADI DE IS STÙDIUS DE CASTEDDU E SU COMUNU DE CABUDERRA.*

S' annu 2023, su 01 de su mesi de Friàrgiu a ora de is 13.00, in sa residèntzia comunali, cunvocada a manera amesturada presèntzia/videocunferèntzia cunforma a su Regulamentu Comunali po sa modalidadi telemàtica, s' est atobiada sa Giunta Comunali cun is personis chi s'ghint:

| <i>Nòmimi e Sangunau</i> | <i>Càrriga</i> | <i>Presenti</i> |
|---------------------------------|-----------------------|------------------------|
| Beniamino Garau | Sìndigu | Eja |
| Dessi Donatella | Assessori | Eja |
| Frongia Pietro | Assessori | Eja |
| Montis Giovanni | Assessori | Eja |
| Sorgia Silvia | Assessori | Eja |
| Solinas Marco | Assessori | No |
| Garone Katiuscia | Assessori | Eja |

Presentis: 6

Ausentis: 1

Pigat parti a sa setziada su Segretàriu Generali Sa Dotora Felicina Deplano.

Su Sìndigu, Beniamino Garau, ndi liat sa presidèntzia e de chi at averiguau su nùmeru de is presentis, decrarat aberta s' adunàntzia.

SA GIUNTA COMUNALI

Cunsideraus:

- sa Lei n. 341/90 chi previdit ca is Universidadis, po cumpriri is cursus de stùdiu, aici puru is atividadis culturalis e formativas, potzant gosai de sa collaboratzioni de sugetus pùblicos e privaus po aprontai conventzionis;
- s'art. 15 de sa Lei n. 241/1990, chi previdit sa possibilidadi, po is aministratzionis pùblicas, de firmari acòrdius po disciplinari atividadis de interessu a cumoni;
- sa Dir. Min. 1 austu 2005, n. 2/2005, "Tirocìnius formativus e de orientamentu" de su Dipartimentu de sa Funtzioni Pùblica, chi tenit un' interessu mannu po is aministratzionis chi favoressint tirocìnius de studentis de s' universidadi, cun unu ruolu ativu de is aministratzionis, po chi custas etotu agiudint a sceberai is matèrias, is stùdius, is relatas, is anàlisis utilosas a s' organizatzioni sua, promovendi s' esperièntzia de su tirocinanti, permitendi-ddi de fai pràtica a manera dereta cun su traballu, finas po svilupai percursus chi sigant is bisòngius de is aministratzionis pùblicas;

Postu chi:

- su Comunu de Cabuderra bolit imperai tirocinantis cualificaus chi traballint paris cun su personali de is servìtzios, ponendi paris formatzioni, teoria e esperièntzia pràtica;
- cunforma a s' art. 1 de su D.I. n. 567 de su 20 de su mesi de làmpadas 2022 chini tenit sa làurea magistrali in Psicologia depit fai unu tirocìniu pràticu e de valutatzioni, finas cun una prova pràtica;

Ca intra de su Comunu de Cabuderra e s' Universidadadi de is Stùdius de Casteddu ddoi funt raportus po s'insertada de tirocinantis psicòlogus, cun una conventzioni apòsita chi a oi arresurtat scadida;

Torrada sceda de aprovai su schema de Conventzioni intra de s' Universidadadi de is Stùdius de Casteddu e su Comunu de Cabuderra po fai tirocìnius po psicòlogus, in acàpiu a custu atu etotu;

Donau atu chi custu provedimentu no ocasionat gastus po su Comunu de Cabuderra;

Arriciu parri a favori po su chi pertocat sa regularidadi tècnica cunforma a s' art. 49, c. 1, de su D.Lgs. n. 267/2000, de parti de sa Responsàbili de su Setori Sa Dotora Uccheddu M.R.;

Cun votatzioni a totòmini e a favori cunforma a sa lei,

DELÌBERAT

De aprovai su schema de Conventzioni intra de s' Universidadadi de is Stùdius de Casteddu e su Comunu de Cabuderra po tirocìnius po psicòlogus, in acàpiu a custu atu etotu;

De incarrigai a sa Responsàbili de su Setori Personali de aprontai sa conventzioni;

De donai atu chi custu provedimentu no ocasionat gastus po su Comunu.

De decrarai esecutiva custa deliberatzioni etotu, cunforma a s' art. 134, corriedda 4, de su D.Lgs. 18 de austu 2000, n. 267.
